



Department of Workforce Development  
Chav Hauj Lwm Tuav Pov Hwm Rau Kev Poob Hauj Lwm  
**Kev ua daim ntawv thov Kev Pab Cuam Rau  
Kev Poob Hauj Lwm Los Ntawm Tus Kab  
Mob Sib Kis hauv Xeev Wisconsin**

Tau txais kev tso cai los ntawm Txoj Cai Pab Cuam Tus Kab Mob Corona, Kev Pab Cuam, thiab Kev Nyab Xeeb Ntawm Kev Lag Luam (CARES) thiab txuas ntxiv los ntawm Txoj Cai Kev Pab Cuam Txuas Ntxiv Rau Cov Neeg Poob Hauj Lwm, Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis (PUA) muab cov nyiaj pab cuam txog li 50 lub lim tiem, 11 ntawm qhov tsuas yog them nyiaj rau lub lim tiem xaus thaum Lub Ib Hlis Ntuj Tim 2, 2021 los sis tom qab ntawd. Nws pib muaj txij li lub lim tiem xaus thaum Lub Ob Hlis Ntuj Tim 8, 2020 mus txog lub lim tiem xaus thaum Lub Peb Hlis Ntuj Tim 13, 2021.

#### Theem Tas Sij Hawm

Yog tias koj tau txais Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis (PUA) rau lub lim tiem uas xaus thaum Lub Peb Hlis Ntuj Tim 13, 2021 thiab tseem tsis tau tag nrho koj cov nyiaj pab them rau Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis (PUA) koj tseem yuav tau txais Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis (PUA) txuas mus ntxiv nyob rau lub lim tiem xaus thaum Lub Plaub Hlis Ntuj Tim 10, 2021 yog tias koj tseem tsim nyog tau txais.

**Koj tsis muaj cai tau txuas rau PUA yog hais tias koj tsim nyog rau cov nyiaj pab UI**

#### Leej Twg Thiaj Tsim Nyog Tau Txais rau PUA

Yuav kom tsim nyog tau txais cov nyiaj pab hauj Kev Pab Cuam Rau Kev Poob Hauj Lwm Los Ntawm Tus Kab Mob Sib Kis, koj yuav tsum:

- Tsis tsim nyog tau txais rau Cov Nyiaj Tuav Pov Hwm Kev Poob Hauj Lwm (UI) ib txwm muaj, Cov Nyiaj Pab Ntxiv (EB), los sis Cov Nyiaj Pab Rau Kev Poob Hauj Lwm Los Ntawm Tus Kab Mob Sib Kis (PEUC) LOS SIS
- Ua kom dhau ntawm txhua daim ntawv thov ntawm UI saum toj no LOS SIS
- Tau ua hauj lwm rau tus kheej ntiag tug thiab tsis muaj cai tau txais ib daim ntawm cov ntawv thov cov nyiaj tuav pov hwm rau kev poob hauj lwm uas teev tseg saum toj **THIAB**
- Tau tag nrho los sis ib nrab ntawm kev poob hauj lwm rau ib qho ntawm cov laj thawj tsim nyog rau tus kab mob COVID-19 hauv qab no:

#### Cov Laj Thawj rau Kev Tsim Nyog Tai Txais

Yuav kom muaj cai tau txais rau PUA, yuav tsum yog koj poob hauj lwm, qee tus poob hauj lwm, los sis ua hauj lwm tsis tau los sis tsis muaj hauj lwm ua vim los ntawm cov lub laj thawj cuam tshuam nrog tus kab mob COVID-19 uas muaj npe hauv qab no:

- Koj tau mus kuaj tus kab mob COVID-19 los sis tab tom pom muaj cov tsos mob ntawm tus kab mob COVID-19 thiab tab tom nrhiav kev kuaj mob.
- Ib tus neeg hauv tsev neeg tau kuaj pom muaj tus kab mob COVID-19.
- Koj tab tom muab kev saib xyuas rau ib tus neeg hauv koj tsev neeg los sis tsev neeg uas tau kuaj pom muaj tus kab mob COVID-19.
- Ib tus me nyuam yaus los sis lwm tus neeg hauv koj lub tsev neeg uas koj muaj lub luag hauj lwm saib xyuas ua ntej tsis tuaj yeem mus kawm ntawv tau los sis lwm lub chaw uas raug kaw vim qhov kev cuam tshuam ncaj qha los ntawm tus kab mob COVID-19 nrog kev noj qab haus huv xwm txheej ceev rau pej xeem thiab cov tsev kawm ntawv los sis chaw zov me nyuam xav kom koj ua hauj lwm.
- Koj tsis muaj peev xwm mus txog koj qhov chaw ua hauj lwm vim tias kev cais tus kheej nyob vim kev cuam tshuam ncaj qha los ntawm tus kab mob COVID-19 nrog kev noj qab haus huv xwm txheej ceev rau pej xeem.
- Koj tsis muaj peev xwm mus txog koj qhov chaw ua hauj lwm vim hais tias tus kws kho mob tau hais kom koj cais tus kheej nyob vim muaj kev txhawj xeeb cuam tshuam txog tus kab mob COVID-19.
- Koj tau teem sij hawm rau pib ua hauj lwm thiab tsis muaj txoj hauj lwm los sis tsis tuaj yeem mus cuag tau txoj hauj lwm vim kev cuam tshuam ncaj qha los ntawm tus kab mob COVID-19 nrog kev noj qab haus huv xwm txheej ceev rau pej xeem.
- Koj tau dhuu los ua tus neeg saib xyuas tsev neeg los sis kev txhawb nqa tseem ceeb rau tsev neeg vim tias tus thawj saib xyuas ntawm tsev neeg tau tag sim neej vim cuam tshuam ncaj qha los ntawm tus kab mob COVID-19.
- Koj tawn koj txoj hauj lwm vim kev cuam tshuam ncaj qha los ntawm tus kab mob COVID-19.
- Koj qhov chaw ua hauj lwm raug kaw vim kev cuam tshuam ncaj qha los ntawm tus kab mob COVID-19 nrog kev noj qab haus huv xwm txheej ceev rau pej xeem.
- Koj ua hauj lwm rau koj tus kheej (suav nrog tus neeg cog lus ua hauj lwm ywj siab) thiab tau txais kev pab cuam txo qhov xav tau ntawm koj cov kev pab cuam tseem ceeb vim tus kab mob COVID-19 thaum muaj xwm txheej ceev txog pej xeem kev noj qab haus huv.
- Koj raug tsis kam lees txais cov nyiaj pab rau poob hauj lwm txuas ntxiv vim tias koj tsis kam rov qab mus ua hauj lwm los sis lees txais kev ua hauj lwm ntawm qhov chaw ua hauj lwm uas, nyob rau hauj ib qho chaw twg, tsis ua raws li cov cai hauj ib cheeb tsam, lub xeev los sis lub teb chaws txoj kev noj qab haus huv thiab kev nyab xeeb uas cuam tshuam ncaj qha rau tus kab mob COVID-19. Qhov no suav nrog tab sis tsis txwv rau, cov uas ntsig txog kev loj daim ntawb npog qhov ncauj qhov ntswg, kev tswj lub cev nyob kom sib nrug deb, los sis muab khoom siv tiv thaiv tus kheej uas ua tau raws li cov lus raws qhia txog kev noj qab haus huv rau pej xeem.
- Koj muab cov kev pab cuam rau ib lub tsev kawm los sis ib lub

koom haum pab cuam kev kawm thiab tsis muaj hauj lwm los sis qee tus poob hauj lwm vim tias tsis muaj hauj lwm nyob rau cov sij hawm ua hauj lwm uas cuam tshuam ncaj qha los ntawm tus kab mob COVID-19 rau pej xeem kev noj qab haus huv. Qhov no suav nrog, tab sis tsis txwv rau, cov kev hloov pauv hauv cov sij hawm thiab ib feem ntawm kev kaw.

- Koj yog ib tus neeg ua hauj lwm thiab koj cov sij hawm raug tuo qis los sis koj tau raug tsev tawm hauj lwm vim los ntawm tus kab mob COVID-19 rau pej xeem kev noj qab haus huv.

#### Tsoom Fvw Kev Them Nyiaj Pab Rau Poob Hauj Lwm Thaum Muaj Tus Kab Mob Sib Kis thiab Kev Pab Cuam Nyiaj Rau Kev Poob Nyiaj Hauj Lwm

Tsoom Fvw Kev Them Nyiaj Pab Rau Poob Hauj Lwm Thaum Muaj Tus Kab Mob Sib Kis (FPUC) thiab Kev Pab Cuam Nyiaj Rau Kev Poob Nyiaj Hauj Lwm (LWA) yuav them rau koom nrog PUA nrog ob qhov kev zam:

- Koj tsis tsim nyog tau txais rau LWA yog tias koj tsim nyog rau PUA nyob rau hauv ib ntawm peb qhov laj thawj tsim nyog tau sau tseg no.
- Koj yuav tsis tsim nyog tau txais rau LWA ntawm cov ntawv thov tom qab 12/27/20.

#### PUA yuav raug Txo los sis Tsis Pom Zoo yog hais tias:

- Koj tuaj yeem ua hauj lwm tau los ntawm kev hu xov tooj los yog siv is taws nem nrog kev them nyiaj.
- Koj tau txais kev them nyiaj so hauj lwm thaum muaj mob los sis lwm cov nyiaj them rau kev so hauj lwm.

#### PUA Tus Nqi Cov Nyiaj Pab Rau Txhua Lub Lim Liam (WBR)

Koj tus nqi cov nyiaj pab los ntawm PUA rau txhua lub lim tiam (WBR) yuav nce raws li txoj cai ijj choj UI. Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis (PUA) WBR yuav ua raws li txoj cai Kev Tuav Pov Hwm Rau Kev Poob Hauj Lwm. Koj tuaj yeem kww yees koj li WBR ntawm [hppts://dwd.wisconsin.gov/uiben/calculator-wbr.htm](https://dwd.wisconsin.gov/uiben/calculator-wbr.htm). PUA WBR yuav tsis qis dua 50% ntawm kev them nyiaj nruab nrab rau ib lub lim tiam ntawm cov nyiaj pab UI ib txwm muaj thiab yuav tsis tshaj qhov siab kawg nkaus tam sim no UI WBR. Qhov tsawg kawg nkaus ntawm PUA WBR yog \$163. Qhov ntaw kawg nkaus ntawm PUA WBR yog \$370.

Yog tias koj ua hauj lwm rau koj tus kheej los sis tsis muaj keeb kwm ua hauj lwm txuas los ua kom tau nyiaj ntawv rau UI, koj yuav tsum muab cov ntaub ntawv ua pov thawj ntawm koj cov nyiaj khw tau los nyob rau hauj 21 hnub txij hnub xa daim ntawv thov Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis (PUA) thawj zaug.

Cov ntaub ntawv kom tsim nyog rau cov ntaub ntawv pov thawj ntawm cov nyiaj khw tau muaj: cov foos them se, suav nrog cov caij nyog C, F, los sis K-1, yog tias muaj, W-2's, thiab/los sis daim tw tshev nyiaj xyoo 2019 xav tau rau cov ntawv thov pib ua ntej Lub Ib Hlis Ntuj Tim 3, 2021. Cov ntawv sau se xyoo 2020 yuav tsum rau cov ntawv thov pib Lub Ib Hlis Ntuj Tim 3, 2021 los sis tom qab ntawd.

## **Qhov Tseev Kom Muaj Kom Xa Cov Ntawv Pov Thawj ntawm Kev Ua Hauj Lwm/Kev Ua Hauj Lwm Rau Tus Kheej**

Yog tias koj tau txais kev tuav pov hwm rau kev poob hauj lwm thaum muaj kab mob sib kis (PUA) rau hnuv ntawd los sis tom qab lub Kaum Ob Hlis Ntuj Tim 27, 2020, koj yuav tsum xa cov ntaub ntawv pov thawj txog koj kev ua hauj lwm/kev ua hauj lwm rau tus kheej los sis koj txoj kev npaj pib ntawm kev ua haulwm los sis kev ua hauj lwm rau tus kheej. **Yog tsis ua tsus tau li ntawd yuav ua rau kev tuav pov hwm rau Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis (PUA) them nyiaj tshai** rau lub lim tiem xaus thaum Lub Ib Hlis Ntuj Tim 2, 2021 thiab lub lim tiem tom ntej. Txawm li cas los xij, cov ntaub ntawv los ntawm cov se them xyoo nyuam qhuav ua tiav uas siv los tsim cov nyiaj pab rau kev poob hauj lwm txhua lub lim tiem kuj tseem siv tau los ua kom tau raws qhov xav tau no.

- Yog tias koj xa daim ntawv thov Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis (PUA) rau hnuv ntawd los sis tom qab Lub Ib Hlis Ntuj Tim 31, 2021, koj yuav tsum tau muab cov ntaub ntawv tsis pub dhau 21 hnuv ntawm hnuv pib thov. Tej zaum yuab yuav tuaj yeem ncua sij hawm hnuv kawg rau qhov laj thawj zoo tau.
- Yog tias koj twb muaj daim ntawv thov rau Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis (PUA) tam sim no txog Lub Kaum Ob Hlis Ntuj Tim 27, 2020 lawm los sis xa daim ntawv thov Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis (PUA) tshiab ua ntej Lub Ib Hlis Ntuj Tim 31, 2021, koj yuav tsum muab cov ntaub ntawv ua ntej 90 hnuv ntawm hnuv thov los sis hnuv uas tau hais kom muab cov ntaub ntawv ntawd, seb hnuv twg yog hnuv tom qab. Tej zaum yuab yuav tuaj yeem ncua sij hawm hnuv kawg rau qhov laj thawj zoo tau.

## **Cov Kev Piv Txvv ntawm Cov Ntaub Ntawv Siv Tau**

- Kev Ua Hauj Lwm: cov tw tshev, cov nyiaj khvw tau thiab nqej lus qhia uas qhia txog chaw ua hauj lwm npe thiab chaw nyob, thiab cov foos W-2
- Kev ua hauj lwm rau tus kheej: ntawv tso cai ua lag luam, ntawv sau se, ntawv txais nyiaj lag luam, thiab kos npe rau daim ntawv lees paub los ntawm cov neeg ua pov thawj rau kev ua hauj lwm rau tus kheej
- Peace Corps, AmeriCorps, thiab cov koom haum kev kawm/kev cai dab qhuas: cov ntaub ntawv muab los ntawm lub koom haum thiab tau kos npe rau daim ntawv lees paub los ntawm cov neeg txheeb xyuas cov tib neeg txuas mus rau cov koom haum
- Cov ntaub ntawv pov thawj ntawm kev npaj ua ntej ntawm kev ua hauj lwm: cov ntawv sau qhia txog kev ua hauj lwm, cov lus qhia/ntawv lees paub los ntawm cov tib neeg (nrog rau lub npe thiab ntaub ntawv tiv tauj) txheeb xyuas cov hauj lwm uas muab
- Cov ntaub ntawv pov thawj ntawm kev npaj ua ntej ntawm kev ua hauj lwm rau tus kheej: daim ntawv tso cai ua lag luam, ntawv sau kev ua lag luam, los sis daim ntawv cog lus

## **Yuav Tso Npe Thov Cov Nyiaj Pab PUA Li Cas**

Sau npe nkag mus rau [my.unemployment.wisconsin.gov](http://my.unemployment.wisconsin.gov) thiab siv qhov kab txuas (link) nrog ntawm koj lub nab cos los thov PUA hauv online.

### **Yuav tsum muaj cov ntaub ntawv hauv qab no:**

- Tus Lej Xaus Saus.
- Xeev Wisconsin Daim Ntawv Tso Cai Tsav Tsheb, yog hais tias koj muaj.
- Ib daim ntawv teev npe tag nrho ntawm cov tswv num koj tau ua hauj lwm rau 18 lub hlis dhau los, lawy cov chaw nyob tag nrho (suav nrog tus lej zip), naj npawb xov tooj thiab hnuv koj pib thiab hnuv kawg ntawm qhov koj ua hauj lwm rau lawv.
- Cov ntaub ntawv pov thawj ntawm cov nyiaj hli/kev ua hauj lwm rau tus kheej los ntawm koj cov se xyoo dhau los los sis cov pov thawj ntawm kev ua hauj lwm uas tau teem sij hawm bib.

## **Saib Rov Qab**

Cov ntawv thov tshiab tuaj ua ntej Lub Kaum Ob Hlis Ntuj Tim 27, 2020 pib txij li thawj lub lim tiem thaum Lub Sij Hawn Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis uas koj tau poob hauj lwm, qee tus poob hauj lwm, los sis tsis muaj hauj lwm txaus ua vim yog los ntawm tus kab mob COVID-19 cuam tshuan rau hauv Tsab Cai CARES.

Cov kev thov tshiab rau Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis (PUA) tom qab Lub Kaum Ob Hlis Ntuj Tim 27, 2020 tej zaum yuav tsis muaj rov qab pib ua ntej lub lim tiem xaus thaum Lub Kaum Ob Hlis Ntuj Tim 12, 2020 tshwj tsis yog koj tau ua ntawv thov Kev Tuav Pov Hwm Rau Kev Poob Hauj Lwm (UI) ua ntej Lub Kaum Ob Hlis Ntuj Tim 27, 2020 thiab tom qab ntawd lawv tsis tsim nyog tau txais Kev Tuav Pov Hwm Rau Kev Poob Hauj Lwm (UI). Hauv qhov xwm txheej ntawd, Qhov Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis (PUA) tuaj yeem rov qab mus rau lub lim tiem uas koj cov ntaub ntawv thov Kev Tuav Pov Hwm Rau Kev Poob Hauj Lwm (UI).

Piv txvv li, yog tias koj ua ntaub ntawv thov Kev Tuav Pov Hwm Rau Kev Poob Hauj Lwm (UI) rau Lub Kaum Ib Hlis Ntuj Tim 6, 2020 thiab tom qab ntawd raug tsis lees txais rau Kev Tuav Pov Hwm Rau Kev Poob Hauj Lwm (UI), koj qhov kev thov rau Kev Pab Cuam Rau Kev Poob Hauj Lwm Thaum Muaj Tus Kab Mob Sib Kis (PUA) yuav rov qab pib ua hauj lwm rau lub lim tiem thaum Lub Kaum Ib Hlis Ntuj Tim 7, 2020.

## **Ua ib Daim Ntawv Thov Txhua Lub Lim Tiam**

Ua koj daim ntawv thov txhua lub lim tiem rau PUA hauv online ntawm [my.unemployment.wisconsin.gov](http://my.unemployment.wisconsin.gov) tom qab koj tau txais daim ntawv ceeb toom ntawm qhov kev tsim nyog tau txais.

Cov ntawv thov txhua lub lim tiem tsis tuaj yeem ua tiav tau ua ntej tau txais kev txiav txim txog qhov kev tsim nyog. Yoh hais tias koj tsim nyog tau txais, lawy yuav muab ib qhov txuas nrog rau cov ntawv thov txhua lub lim tiem.

Siv qhov txuas (link) no los ua cov ntawv thov txhua lub lim tiem rau ntaw lub lim tiem dhau los. Lub lim tiem txuas los, ua ntawv thov txhua lub lim tiem txuas ntixiv rau txhua lub lim tiem uas koj xav tau txais cov nyiaj pab. Kev ua ntawv thov rau lub lim tiem txuas los yuav tsum ua ntawv thov **tsis pub dhau 14 hnuv** ntawm lub hlis xaus ntawm lub lim tiem koj tau thov, tab sis tsis pub kom txog tom

qab lub lim tiem xaus lawm. Yuav tsis them nyiaj dab tsj kom txog rau thaum koj ua daim ntawv thov ua lim tiem rau txhua lub lim tiem.

Txhawm rau los pab siv kev pab cuam hauv online los sis yog hais tias koj tsis tuaj yeem mus tau hauv online hu rau PUA Tus Xov Tooj Xwm Ceev ntawm (608) 318-7100 thaum lub sij hawn 7:30 teev sawv ntxov txog 4:30 teev yuav tsaus ntuj, Hnuv Monday txog Hnuv Friday.

Yog koj tsum xa ntawv thov vim ib lub laj thawj twg los xij, koj yuav tsum rov qab qhib koj qhov kev thov dua thaum koj rov poob hauj lwm los sis tuo qis cov teev ua hauj lwm. Koj tuaj yeem rov qib koj daim ntawv thov hauv is taws nem ntawm [my.unemployment.wisconsin.gov](http://my.unemployment.wisconsin.gov) los sis hu rau (608) 318-7100.

Saib "Kev Pab Nyiaj Rau Kev Poob Hauj Lwm Los Ntawm Tus Kab Mob Sib Kis (PUA) Cov Cai thiab Cov Luag Hauj Lwm" (PUA-18781-H-P) kom paub ntawv txog kev ua tiav cov ntaub ntawv thiab xov cai rov ua ntawv thov dua.